



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt XV. Honorius III. a Abbati & Conventui sancti Petri de Praxellis
Lexov. Diœcesis.

[urn:nbn:de:hbz:466:1-74544](#)

quoque dierum numerum indulgentiarum literas præcipimus moderari, qua pro quibuslibet casibus aliquoties conceduntur; cum Rom. Pont. qui plenitudinem obtinet potestatis, hoc in talibus moderamen consueverit observare.

NOTÆ.

- I. **a** Eodem.) Ita etiam legitur in quarta collectione, sub hoc tit. cap. 5. & extat textus hic in ipso Concilio can. 62. atque ejus principium reperitur in cap. 2. de reliquis, & vener.
- b Ad hanc) Hanc partem de indulgentiis exponimus sequenti commentario.

COMMENTARIUM.

VSUS quæstorum eleemosynarum, seu potius abulus eorum, qui non sibi eleemosynas querunt, sed potius conduncut eleemosynas priorum locorum, seu sanctorum, perantiquis est, ut constat ex capitulo 11. de privil. Quia vero illi quæstores facultate sibi concessa abutebantur, præfens Concilii Lateran. constitutio emanavit prohibens ne huicmodi quæstus fiant, & ne quæstores ad eleemosynas petendas sine Episcopi, vel Pontificis literis, quibus de eorum moribus, atque eleemosynæ causa constet admittantur. Et quia adhuc abusus dictorum quæstorum excresceret in maximum Christiani orbis scandalum, dum in prædicationibus multa de reliquiis, & indulgentiis mendacia configabant; ideo Concil. Vienense relatum in Clement. 2. hoc tit. inhærendo prefatis constitutioni addidit, quod litera Apostolica ad eleemosynarum quæstus faciendo exanimi ordinariorum subderentur, quæstoribus huicmodi prædicationis officio penitus interdicto, tamen sola facultate simpliciter exprimendi illud, quod in literis Apostolicis, aut Episcopi continetur. Faciunt Clemens IV. in cap. ut officium 11. §. compescendi, de bareti. in 6. Concil. Salesburg. tempore Gregor. X. can. 6. Toletan. anno 1473, temporibus Sixti IV. can. 13. &c de eis in Concilio Tridentino seff. 5. de reform. cap. 2. ita cayetur: *Quæstores eleemosynarii, qui etiam quæstarii dicuntur, cuiusvis conditionis existant, nullo modo, nec per se, nec per alium prædicare presumant. Et contraria facientes ab Episcopis, & Ordinariis locorum privilegiis quibuscumque non obstantibus, opportuni remedii omnino arceantur.* Et in Concilio Piastavensi 2. sub Paschali II. can. 12. ita cayetur: *Vt Sanctorum reliquias causâ pecunie, & quæsus circumferentes, ad prædicationem non admittantur. Qui abusus & apud Gentiles irrepit, dum Sacerdotes dolorum suos Deos circumferebant, ut ipsorum nomine mercedem, & stipem exigerent.* Apuleius lib. 8. Deam Syriam circumferentes men-

dare compellunt. Minutius in Octavio: Mendicantes vicatim Deos ducent. Halicarnass. lib. 2. notavit Gibalinus de negot. tom. 1. lib. 1. cap. 4. art. 1. num. 3. Quia vero huicmodi remedia minimè profuerant, immò quæstorum huicmodi malitia exerceente ac per hoc datâ ansâ hereticis in fidem catholicam debacchandi, idem Concil. Trident. seff. 22. de reform. cap. 9. statuit, ut illorum quæstorum nomen, atque usus penitus aboleretur, nec ad huicmodi officium exercendum ullatenus admitterentur, non obstantibus quibuscumque privilegiis. Nec minori odio hos improbos quæstores prosequiti sunt seculares legislatores; nam præterquam quod in l. unic. Cod. de mendicant. 7. lib. jubentur similes mendicantes in exilium mitti, de quibus in Concilio Coloniensi anno 1536. can. 5. ibi. Mendicantibus validis non solam hospitalia clausa, sed & publicè, ac ostiatis mendicare penitus interditum. Trid. seff. 5. de reform. c. 2. & seff. 11. cap. 9. & seff. 25. ad fin. plure Philippos Camerarius tom. 1. oper. success. c. 16. & cent. 2. 6. 7. 4. etiam in l. 11. tit. 18. par. 2. 3. cayetur, ut caute licentia ad eleemosynas petendas quæstoriis datum. Et apud Lutitanos lib. 5. ordinat. tit. 102. constitutum est, ne quæstores alicuius Sancti nomine petere eleemosynam permittantur, nisi ab eis Regia litera ostendatur: quod si aliter factum sit, omnes pecunie ab illis quæstis, quæstori Redemptionis Capriorum tradantur. Simile apud nos cautum extat in l. 2. tit. 8. lib. 1. ordin. quæ hodie est lex 4. tit. 9. lib. 1. nova recipil. & apud Gallos idem Regii Senatus decretis dispositum refert Cophinus de facr. pol. tit. 5. num. 2. Unde de his quæstoriis eleemosynarum cognoscunt tam judices ecclesiastici, quam seculares; examinantque licentias, quas deferent, an sint authenticæ, vel apocryphæ, ut probat Pereyra part. 2. de mans. Regia, cap. 76. nam si mendicantes validi, & similes, qui ut oratione vitam agant pauperem vitam affectant, ejiciendi sunt à civitate, quia panem admittunt veris pauperibus, cap. non omnis 5. quæst. 5. cap. 1. 2. disf. 1. 4. tit. 20. part. 2. 1. 40. tit. 5. part. 1. 1. cum sequent. tit. 11. lib. 8. Recipil. probant late Bobadilla lib. 2. prob. cap. 13. num. 31. Petrus Greg. 3. part. Syntag. lib. 39. cap. 6. & de republica lib. 13. cap. 14. num. 3. & lib. 1. part. tit. 22. cap. 3. Solorzanus tom. 2. de jure, Indiar. lib. 3. c. 25. quanto magis qui fallaci ingenio eleemosynas extorquent falsa plerumque prædantes. Licentias autem petendi eleemosynas personis miseris dare debere judices ecclesiasticos, probat Barbosa ad Trident. ubi suprà.

CAPVT XV.

Honorius III. a Abbatu & Conventu sancti Petri de Praxellis
Lexov. Diœcesis.

NOstro postulasti certificari responso, utrum per tuam provinciam possis concede reb remissiones literas generales. Nos igitur fraternitati tua breviter respondemus, quod per provinciam tuam liberè potes huicmodi literas concedere; ita tamen quod statutum generalis Concilii non excedas.

NOTÆ.

NOTÆ.

I. **A**bbat. In hac sexta collectione tantum inscriptionem hujus textus desiderari refert Cironius in not. ad 5. compil. ad hunc tit. ubi præsens inscripicio legitur, sed male, tum quia Pontifex Abbatibus non frates, sed filios appellare solet; tum etiam quia Abbates provinciam non habent, & de Pralato provinciam habente agit Honorius in præsenti.

2. **R**emissionis. Ideft Indulgentia peccatorum, ut etiam sumitur in v. cum ex eo, hoc tit. & apud Tertul. contra Marcionem c. 18. ibi: *Duximus de remissione peccatorum, id est de remissione*. Apud Cyprianus epist. 59. ibi: *Gravissimis, & in Deum multum ante peccantibus, cum postea crediderint, remissa peccatorum datur*. Notavit Cironius in præsenti textu, & in parat. ad hunc tit.

COMMENTARIUM.

3. Ex hoc textu sequens communiter deducitur assertio: *Intra provinciam suam concedere potest indulgentias Archiepiscopos, juxta dispositiōnēm Concilii Lateran. Generālēs*. Non est alia similitudo, quā probari possit præsens assertio: eam illustrans Suarez tom. 5. in 3. part. de pœnit. disput. 55. sect. 3. Barboſa alleg. 88. Petrus Gregorius lib. 1. part. tit. 17. cap. 3. Cironius ad hunc textum. Jul. Labor. de indulgent. 2. part. cap. II. num. 28. Quarant. in summa Bullar. verbo *Archiepiscopi autoritas*. Boëtius Epon. in tract. de tubil. & Indulg. num. 119. Torreblanca lib. 14. de jure spirit. cap. 14. in princip. Joannes Dantis de penit. cap. 61. Bonacina de Sacram. disput. 6. quæst. 1. & 3. Corduba quæst. 14. Fragoso de regim. Christ. Reipub. part. 2. lib. 2. disput. 4. §. 2. per totum.

4. Sed in præsentem assertionem pro dubitandi ratione ita argumentor. Indulgentia, qua conceduntur à Pralatis alienis subditis, nullæ sunt, cap. in du. quod autem 4. hoc tit. ubi ratio redditur, quia qui mandi non potest ligare, nec absolvere; sed Archiepiscopus non est ordinarius judex subditorum suorum suffraganeorum, cap. pastoralis de offic. ordin. nec extra suam diœcesim haber contentiosam juridictionem, exceptis quibusdam casibus relatis in d. cap. pastoralis. Igitur, per totam suam provinciam non potest Archiepiscopus indulgentias concedere. Etiam difficultis est alia pars ipsius assertio- nis, ubi docetur, Archiepiscopos servata formâ Concilii Lateranensis indulgentias concedere debere; nam forma præscripta in dicto Concilio pro Episcopis fuit, non vero pro Archiepiscopis. Igitur non recte in præsenti docetur, Archiepiscopos debere indulgentias concedere, juxta Conc. Lateranensis formam.

5. Adhuc tamen defendenda est præsens assertio, pro cuius expositione sciendum est, iudicium iam varie accipi in jure nostro. Aliando in quid indulgentia dicitur quando aliquid sit ex meritorialitate, ut de decimis novalium dicitur in cap. plex. ex parte supra de decimis: vel cum partibus conceditur tempus ad item prosequendam, ut etiam clausum non noceat, c. dilecto, de V. S. c. 2. de eo qui mittitur in posse, ibi: *Quatenus si est ita, indulgentia huiusmodi non obstante, negotio finem debet sum imponas*. Plerumque sumitur pro relaxatione pœnae; seu abolitione criminis, ut in tit. Cod. de indulg. crimin. c. 1. de irenga & pace, & in 1. compil.

ibi: *Si necesse fuerit per indulgentias secundum quod utilitati Ecclesiarum, & totius terra, necnon & animarum salutis videris expedire*. In præsenti autem indulgentia accipitur pro remissione pœnae temporalis debite pro peccatis actualibus jam dimissis concessa homini existenti in gratia à legitimo Pralato per applicationem thefari ecclesiastici. Corduba de indulg. quæst. 1. Torreblanca de jure spirit. dict. lib. 14. cap. 13. num. 5. Fragoso ubi suprad. Barbosa dict. alleg. 88. num. 1. Pater Mendo in Bullam. disput. 6. cap. 1. num. 2. Indulgentia ita accepta duplex est, alia plenaria, temporalis alia. Plenaria est illa, quā remittitur tota pœna temporalis simpliciter, quæ nimur post peccata remissa per sacramentum penitentia expienda remansit, sive in hac vita, sive in purgatorio: & licet cum talis indulgentia conceditur, communiter addatur, & remissio omnium peccatorum, illis verbis potius effectus indulgentia explicatur, quam quid novum continetur. Indulgentia vero temporalis dicitur illa, quā non remittitur tota pœna, sed ejus tantum pars relaxatur, & sub dupliciti præservit forma tribui solet. Aliando enim conceduntur indulgentia tot dierum, vel annorum, & est remissio tentæ pœnae, quanta solvi in hac vita debuisset, pro penitentia tot dierum, vel annorum, vel quanta in purgatorio luenda foret, si in hac vita peracta non esset: quandoque autem indulgentia conceduntur respectivè ad certam partem peccatorum, veluti ad tertiam, seu quartam: & tunc remittitur tanta pœna, quanta persolvi debuisset in hac vita, vel in purgatorio pro tercia illa, vel quarta parte peccatorum, ut explicat Suarez de pœnitentia disput. 50. section. 4. & 5. Bellarmine tom. 3. controvers. libr. 1. de indulg. cap. 9. Jul. Labor. eodem tractat. part. 2. c. 10. Torreblanca dict. cap. 14. in princ. P. Gregorius lib. 1. partit. tit. 17. cap. 2.

6. Indulgentias concedere possunt primò Pontifex, qui tantum plenariam dare valet, quia solus ipse in plenitudinem potestatis vocatus est, c. cum Alia de ex eo, hoc tit. cap. quoconque 24. quæst. 1. nam ex infinito thefaro Ecclesiae, cuius administrator ipse est, plenarias, & plenissimas indulgentias concedere valet. Lavorus dict. part. 2. cap. 11. Boëtius Epon. de jure jubilei. num. 148. In suis diœcessibus Archiepiscopi, & Episcopi indulgentias largiuntur, dummodo statutum generalis Concilii non excedant, nam in c. antecedenti, cap. 1. & final. hoc tit. in 6. cavetur, ne claves ecclesiæ contemnatur per indificatas Prælatorum indulgentias; & ne penitentialis satisfactio enervetur, decernitur, ut cum dedicatur Basilica, non extendatur indulgentia extra annum, & in anniversario dedicationis ultra 40. dies: & ita Archiepiscopis, & Episcopis à jure ipso præscriptæ sunt indulgentia concedendæ, cum enim hanc potestatem concedendi indulgentias habeant à Summo Pontifice, ut fert valde communis sententia, cui subscrubunt Medina tractat. 5. disput. 4. num. 2. Macedo de clavibus Petri libr. 4. cap. 4. Bellarmine libr. 4. de Pontifice, cap. 2. 4. Suarez tom. 4. in 3. part. sect. 1. num. 11. disput. 25. Magallan. in proam. epist. ad Timoth. sect. 12. Malerus 2. 2. tractat. de Pontifice, disput. 4. dub. 1. Aegidius 3. part. disput. 8. dub. 3. Fagundez in 2. Ecclesiæ præcept. libr. 7. cap. 1. numer. 25. Duvalius tractat. de Pontifice. part. 1. quæst. 2. potuit eo modo à Pontifice restringi, & limitari. Legati etiam Apostolici in provinciis sibi designatae indulgentias concedere valent, ut docent Glossa in præsenti, Bbb 4. Petr.

Petr. Gregorius *dicit. tit. 17. cap. 3.* Abbatibus vero, & similibus inferioribus Prælatis concedere indulgentias non licet, *cap. accendentibus 13. de privil.* nisi speciali privilegio, vel consuetudine legitime præscripta suffulti fuerint. Barbola d. *alleg.* 88. Petrus Gregor. *dicit cap. 3.* Fragofo ubi proximè: nec absque causa similes indulgentiae conceduntur; illa autem vel est spiritualis, vel corporalis. Spiritualis, veluti ut fideles à peccatis absoluvi orient pro conversione infideliū, & pro pace Chriſtiana fidei, *extravag. unic. inter communes, de celebrat. Missar.* vel ut sanctiū celebretur festivitas alicuius Sancti, *Clement. unic. de reliq. & venerat. extravag. I. eodem titul. inter communes.* Corporalis est velut in dedicationibus Ecclesiæ, ut fideles invitentur ad elemosynas elargiendas eidem Ecclesiæ conservandas, *cap. I. hoc tit. in 6. ob restorationem pontium, cap. cum ex eo, hoc tit. extravag. final. hoc tit.* vel ad sustentationem egenorum confluentium ad hospitale, *diſt. extravag. final.* vel ad excitandam devotionem visitando ceras basilicas, *extrav. I. hoc tit. inter communes.*

7. Indulgentias ut nunc vocamus, quibus remissiones continentur minorum peccatorum, aut satisfactionis debitæ pro majoribus, impie irridet Lutherus in *assertionibus, art. 17.* & sòla extravaganti Clementis VI. ex opinionibus Div. Thomæ, ut ille ait, composita, probari, falsò nobis obicit. Sed incipiam à ratione Div. Thomæ, qua gravior est, quam primâ fronte videtur. Ab omnibus, inquit, ponitur indulgentias valere, & impium esse dicere, quod Ecclesia aliquid yanum facit: ergo sunt indulgentiae. Perinde enim est, ac si diceret Sanctus, semper hæc tenus in omnibus Ecclesiis prædictas fuisse indulgentias; ergo dari indulgentias Apostolicas est Ecclesia Catholica. Ex eo enim, quod ab omnibus Ecclesiis semper aliquid admissum sit, convincitur traditio; sic enim probat Apostolus, quod in epistola ad Corinthios docebat de ratione docendi Ecclesia, & de subjectione inferiorum Prophetarum ad superiores, & ne mulier doceret in Ecclesia: *Sicut, inquit, & in omnibus Ecclesiis Sanctorum doceo, an à vobis processit verbum Dei, aut ad duos solos pervenit.* Quasi diceret, non processit à vobis, sed à vestris antecessoribus. In quo notatur origo, & antiquitas. Sic etiam dogma, indulgentias esse, non à nobis processit, sed ab iis, qui fuerunt ante nostra saecula. Accepimus etiam à primis Ecclesiæ temporibus, Quod ut facile constet, ascendamus supra saeculum Clementis VI. cui indulgentiarum usum tribuit Lutherus extat enim Roma in Ecclesia sanctæ Sabinæ inciso in lapide marmoreo Gregorii IX. indulgentia concessa verè pœnitentibus, & confessis unius anni, & quadraginta dierum: & ante Gregorium IX. extat Alexandri IV. relaxatio de injunctione pœnitentiis, (*sic enim vocat*) incisa item in lapide marmoreo, concessa indulgentia omnibus pœnitentibus, & confessis in dedicatione sanctæ Mariae del Campo. Sed si ascendamus adhuc superiorius, extat indulgentia Veronæ in templo Ecclesiæ Collegiatæ sanctæ Helenæ, incisa in tabula lapidea anno 430. in solemani dedicatione illius Ecclesiæ, sub hac formula: *Annuam denig. 30. die rum absolutionem, & tertiam partem minorum peccatorum, & fraudem pœnitentiarum venientibus adscrii hujus templi revolutam dedicationem.* Est autem, ut hoc obiter admoneam, sic exponenda hac formula, ut quia per indulgentias remittuntur

tum pœnae temporales debitæ pro peccatis venialibus, tum debitæ pro mortalibus, de penis quidem debitibus pro peccatis mortalibus remissis accipienda sunt illa verba *triginta dierum absolutionem, de debitis pro venialibus illa, & tertiam partem minorum peccatorum;* idest tertiam partem penarum debitatarum in purgatorio venialium peccatorum. Quod verò dicit, *& fraudem pœnitentiarum,* significat condonari insuper, ac remitti pœnas debitæ pro peccatis majoribus remissis, quæ alias fuissent solvæ, ac deletæ, per pœnitentias, canonice injunctas, si fuissent perfolatae, ut postulabat ratio canonicum pœnitentialium, qui justi & sancti fuerunt à principio secundum judicium Ecclesia constituti; postea verò propter infirmitatem nostram relaxati. Quod ergo non est solutum implendo canonicas pœnitentias in judicio Ecclesiæ *indictas, & praefractas, vocat fraudem pœnitentiarum, & hujusmodi fraudem canonistarum pœnitentiarum condonat.* Sumimus Pontifex condescendens infirmitati nostræ, per economiam, & providentem dispensationem indulgentie. Deinde extat Bulla Urbani II. de indulgentia plenissima in Synodo Claromontana, cùm erat suscipiendum bellum Hierosolymitanum contra Saracenos Duce Godifredo Bulloensem sed nec ab hoc Pontifice processitus indulgentiarum, sed ante eum Gregorius VII. idest ante annos 500. multas hujusmodi indulgentias concessit, ut constat ex ejus epist. ad Episcopos, & Clericos Britannæ missa; immo & apud Gregorium Magnum legimus exemplum indulgentia, licet formula sit alia, quam nunc Patres uuntur. *lib. 7. in epist. ad Rebaredum,* ubi ait: *Clavem parvulam à sacratissimo B. Petri corpore pro ejus benedictione transmisimus, in qua eß ferrum de catenis ejus inclusum, ut quod collum ejus ad martyrium ligaverat, vestrum ab omnibus peccatis soluat.* Indulgentiam vocat Sanctus benedictionem veteri verbo illo tempore usitato. Simile exemplum est in eodem libro *in epist. ad Secundinum:* & aliud *lib. 6. in epist. ad Theonitum, & Andream.* Est autem obserandum, in dicto primo exemplo Gregorii Magni, illum misse clavem parvulam, quæ era signum, & index indulgentia peccatorum per potestarem clavum concessæ, in qua auctoritate successit B. Petrus; & nunc Pontifices alii verbis idem significant, & alio modo testantur, cùm dicunt: *Auctoritate B. Petri, &c. mittentes non clavem, sed literas, quas vocant bullas cum clavibus pictis: illud verò, quod ait hic Gregorius de ferro ex catenis Petri inclusio in clavi, non temere factum est; potuit enim seorsim interire, & non includere in clavi, nisi aliquid spiritualiter, & spiritualibus significare voluisse; illud scilicet, indulgentias ipsas peccatorum, quæ sunt velut catene, & vincula, nisi in meritis Christi, & passionibus ejus, non solum quas in se passus est, sed quas in sanctis suis: quod nunc ipsi Pontifices in hujusmodi bullis dicunt: Beatorum Apostolorum Petri, & Pauli meritis, & auctoritate confisi concedimus. Merita enim Petri fuerunt ejus martyrium, quod significat ferrum de catenis ejus.* Hoc autem exemplum B. Gregorii, non solum imitatus, verum & interpretatus est Gregorius alter VII. sic enim scriptis ad Alfonsum Hispanum: ut est *lib. 7. Registri ejus, ibid.* *Ex more Sanctorum missimus vobis claviculam auream, in qua de catenis B. Petri benedictio continetur, ut omnis potens Deus, qui illum admirabilis potentia necibus ferreis liberavit, ejusmodi etiæ intercessionibus vos ab omnibus peccatorum vestrorum vinculis abſolvat, & ad gaudia perducat aeternas.*

eterne. Immò ante tempora Gregorii magni ab ipsa Apostolorum doctrina processus usus indulgentiarum; sic enim D. Clemens lib. 3. constit. cap. 10. scribit: *Immò nec laico permittimus facere aliquid opus sacerdotale, ut sacrificium, aut baptisum, aut impositionem manus, aut benedictionem, sive parvam, sive magnam.* Et lib. 8. cap. 44. Nec enim fas est Diacono sacrificium offerre, aut baptizare, aut benedictionem, sive parvam, sive magnam facere. Non dubium est, quin hic benedictionem magnam vocet Pontifex remissionem peccatorum magnorum, que mortalia vocantur, & pœnaruini inferni, que eis debentur; parvam verò benedictionem vocat remissionem reliquorum peccatorum, idest penarum, que debentur pro peccatis magnis prius remissis; & parvorum peccatorum, que dicuntur venialia. Proabant etiam hanc potestatem concedendi indulgentias, non solum vivis, verum etiam defunctis. Bellarminus dicto tract. de indulg.

8. *Dartis tract. de paenit. cap. 6. pertot.*

Diffl-
suntur
dubitā-
diratio.

Nec obstat prima dubitandi ratio suprà expensa, cui ut satisfaciant Doctores, varia adducunt. Abbas in præsenti (quem sequitur Cironius in

præsenti) asserit textum hunc procedere quando Archiepiscopus per provinciam suam visitationis munus exequitur, nam tunc cùm & corriger possit subditos suffraganeorum suorum, meritò & illis indulgentias concedere valet. Alii docent, Archiepiscopum semper indulgentias concedere posse, quia actus hic est voluntarie juridictionis. Ita Suarez dict. tract. de paenit. diff. 49. scđ. 3. Riccius in praxi, resol. 306. nn. 5. Barbola de potestate Episcopi, alleg. 88. Sed hæc sententia expresè convincitur ex dicto capiti *Quod autem, hoc sit.* Quare magis placet prior solutio. Nec obstat secunda difficultas, nam verius est, Concilio Lateranensi relato in cap. antecedenti, præscriptum fuisse formam servandam in concessione indulgentiarum non solum Episcopis, verum & Archiepiscopis; siquidem illis verbis: *Quidam Ecclesiarum Prelati, comprehenduntur etiam Archiepiscopi: unde recte notarunt Barbola d. alleg. 88 num. 16. Fragofo dicto c. 2. lib. 2. diff. 4. §. 2. num. 20. quod si concessit Archiepiscopus quadriginta dies indulgentiarum in perpetuum, nihil amplius potest ejus successor pro eadem causa concedere, quia reputantur unus Prelatus.*

CAPUT XVI.

Gregorius ^a nonus.

NE pro dilatione pœnitentia periculum immincat animarum, permittimus Episcopis, & aliis superioribus, nec non minoribus Prælatis exemptis, ut etiam præter sui superioris licentiam providum & discretum sibi possint eligere confessorem.

NOTÆ.

I. ^a *Gregorius IX.* Qui præsentem constitutionem edidit motu proprio in favorem Prælatorum, tam regularium, quam secularium: qui eum non possint facile adire suos superiores, illis conceditur, ut possint sibi eligere confessarium. Quod privilegium latè illustrant Fagundez in *quinq. que præcepta*, cap. 2. num. 15. Bruno Chassaigne, in

privil. Regul. tract. 3. cap. 3. propos. 8. Diana part. 10. tract. 16. resol. 76. Bard. in Bullam, part. 2. tract. 5. cap. 2. scđ. 2. qui omnes recte notant, privilegium hoc non esse revocatum per Tridentinum scđ. 23. de reformatione, cap. 15. quia cùm si insertum in corpore juris, & eius mentio specialis non fiat, non censetur derogatum: & varias illationes deducunt de Equitibus militariibus, & aliis personis exemptis.

TITULUS XXXIX.

De sententia excommunicationis.

CAPVT PRIMVM.

Alexander III. ^a Senon. Archiepiscopo.

 Uper eo verò, quod consilium postulaſti, utrum b Scholares, si ſe invicem in plena, vel minore axtate, clerici, vel religioſi viři in claſtro ſecundūm c ca- nonem illum, quo ſtatutum eſt, ut illi, qui in clericos violentas manus injiciunt, mittantur ad Apoſtolicam Sedem, pro ſua abſolutione debeant venire. Inquiſitioni taliter respondemus, quod ſi clerici infrā d puberes annos, ſe ad invicem, aut u- nus alterum percuſſerit, non ſunt ad Ap. Sedem mittendi; nec clerici ſi ſunt plena axtatis, & non odio, vel invidia, vel indignatione, ſed levitate e jocofa ſe ad invicem percuſere contingat: nec Magiſter ſi ſcholarem clericum intuitu f discipline, vel correclionis percuſſerit; quia non potest in iþis inieclio manuum violenta notari. Cæterum ſi ex odio iidem ſcholares, vel ſeculares clerici ſe percuſſerint, pro ſua abſolutione debent ad Ap. Sedem venire.

NOTÆ.